



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二〇〇

豐川續集三十四卷（卷二十至卷三十四） 王心敬撰

一

潘中丞文集四卷附中丞公傳一卷 潘宗洛撰

三〇一

圭美堂集二十六卷 徐用錫撰

四〇三

商榷集三卷 高不騫撰

六五五

山影樓詩鈔不分卷 龔嶸撰

六七七

豐川續集卷之二十

書答

寄陳秉翁侍講

春首忽得尊翁老先生仙訃悼慟之至匪言可形且轉悔於老先生勞歸後殊缺一書通候遂成幽明之恨也日來擬遣一子赴奠几筵少將區區之誠柰積荒之餘寒士限於長道竟不能一遂初心茲附上祭言一通畧寫愚誠至於心之欲爲百不酬一臨書涕零愴恨何極然私心則更有祝者惟老先生德業壽考名位子孫備極人生全遇亦自可以無憾卽賢昆玉繼述爲心功名

豐川續集

卷二十

一

方盛當世亦共信其斷能懋德樹業宏暢前猷惟是當世需才惟殷賢昆玉成身膺世道之責讀禮事親之餘從國計民生大本大源大利大害處逐一較斟一過他日服闋補任可言者言可行卽行以副當世之望而終老先生欲爲未旣之志是則鄙人臨池拜書之際所爲舉首加額而禱者也又鄙人竊見得後世治不古若者法不如古之病尙輕凡事有名無實之病則重又竊見得變法更弊更屬可緩擇賢任能是爲最急益法必實行而後治可幾又必得人實行而法始能行也是故功必賞罪必罰如子產之治鄭武侯之治蜀是爲對症之

豐川續集

良藥官必賢任必能如周官之任人唐宗之授職乃屬起病之良醫蓋不特大夏之後得秋始肅抑且幾務之成非斷無功也又不惟非常之事非人不勝抑且立法之義惟賢能通也然以後世之學校選舉如此人才可易言得哉然自三代後如唐宗宋祖十餘君治功之盛亦初非借才於異代又安在人必不易得哉抑在居高乘勢者鼓舞振作寬取精擇之盡其道而已總之論治於後世寧取嚴無取姑息蓋惟嚴乃能濟寬故吾夫子嘉子產之獨爲惠人也論人才於當今寧取節概之狂狷無取圓巧之鄉愿蓋狂狷雖帶病而有志概有節操

豐川續集

卷二十

二

足爲世道人心之防維鄉愿雖善世而工便捷善關繫最賊道德之正氣真理也夫以大孝方在摧慘之中豈宜以此等泛語相聞良以數千里外旣以山川間隔仍復數年而始至一書臨穎遂不覺莫能自己耳然欲言之隱實百不宜一也臨紙愴然如何可道惟大賢諒焉

又

頃閱邸抄乃知大孝畱都尙未得歸而

九重重公素操仍欲奪情付以江西學差之任大孝固

辭養親而

聖旨特給假六月噫嘻今之仕途以在任守制爲深幸

一

而大孝獨確守典禮不爲少移古云求忠臣於孝子之門如大孝之孝如此何異乎前此之心乎體國而不忍營私也卽他日之建樹不又從可信哉則如六月假滿之日知大孝又必以確守服闋爲請矣廉頑立懦教孝誨忠行將於至此七月之後盡揭諸守終喪期大疏也

復襄城劉七一

得五月廿九惠函一腔疑懼頓釋急呼燈啓函讀之纏綿篤摯又不啻同堂而談心矣承諭作二哥傳勉就一稿自恨筆端無力不能傳寫其精神但中間不忍加一語脂粉塗飾或不至死者頻願九原耳別諭近日讀陽

豐川續集

卷二十

三

明先生集云云此公不敢云便副先師所期之中要是真狂二字三代後更無及之者至於文章則一段灑氣流行不惟非假秦漢所敢望亦並非真八家所可擬思兄所謂望門而未造其廬者敢言升堂入室哉賢弟過矣辭徵事自去冬以及今春頗費周旋然實以明歲便是七十兩耳日聾一日世豈有他人告老之年尚洪顏而應筆墨之役又豈有病廢餘生尚匍匐道途以邀人世之榮者所謂知足知止庶或近之若如賢弟所云則又非深知其實者也外奏稿一冊論明史書一冊寄政不肖山林迂士前荷

先皇帝下旨徵取而時以病辭

今上龍飛復允都臣薦剡仍特旨見招不敢應者老病無可應之理不忍嘿者一腔結欲報之懷又鄙心竊謂縱此身病不能應若明見治理之源流而一言之莫進亦自覺踴躍涼薄之愆耳然以近無成例終於格而未上至史論則借此復可亨命且欲發區區闢微夙心草稿奉寄惟諒之

寄遜功

吏治積貯邊備人心四者應是賢弟之素懷安知非已曾昌言之餘事顧愚意念此四事雖當今之急務卽屬

豐川續集

卷二十

四

老生之常談如已言而未行却須更一詳言以盡其情實倘如尚未及言正須懇切而言之蓋言之懇切或可冀

九重鑒目感動實受其益並可冀當朝志節之士聞風繼起爲國家他日之利也不然言者既類老生之常談入覽亦且以常談視之矣又考之前代凡宰相大臣入內諫官皆得隨而入人主旨有未當大臣議有不平公諫臣皆得面陳其得失如或當面尚未盡則退上封事以相糾繩故言官得盡救正之職於失之未行朝廷亦收救正之益於失之未彰今也科道既無隨大臣入侍

之例又不得與大臣議政之列君相謀謨曾不得聞逮其事已施行而且不知事旨之何出無論不言卽言之且多事後難挽之局無論言之不切卽切言而且有風聞之訛批鱗之虞不亦上下兩失者多乎且夫山有猛虎則藿藜爲之不採今若言官得隨大臣見君而直論其得失卽言官之體尊而朝廷之體愈尊但使其中得二三忠讜不阿之人卽內外臣僚之不戒而自戢者當多庶幾副國家設立言官之義也故科道官得隨大臣入侍與議政之列是亦國家一大要務而卽爲言官所宜條陳之一事也不審近局何如也

豐川續集

卷二十

五

荅觀察副使胡公

承示運米十議捧讀一過仰見擘畫事理炯如觀火至於文字簡切明確令讀者言下洞然旣深嘆大經濟人才具之優長又心賀國家幹理得人將來國計民瘼無盤錯之難辦也顧鄙心竊體大議見示之盛意仍僭附區區之愚用備明擇 其一尊議念北路沿途飯食稍貴合運米半出南路此真善體下情也但今西安議幫隴州夫驢之諸邑目下買驢驗夫驗驢之耗費不貲將來往來續幫之耗勞更且難量皆由糧出南路之故若使經由盡出於北則幫隴十七州縣之耗勞可免况運

法旣係挨邑僱脚短轉是乃運夫自食其鄉初不同他邑遠路之猶須計飯食之貴賤省費也且南多北路一百四十餘里縱分一半亦須於此所多之一百四十餘里視北路外破官錢不幾徒成枉費乎愚意分五萬石由北路似不若舉十萬石之盡出北路更爲簡易直截也 其一臺站所以貯米宿人最爲緊要須切諭各州縣有司詳擇近村近廟便於培植棚場招聚生意之處令發到之米易於夜守而兼無雨雪之侵一切官吏人畜易於歇宿而不至有凍餒之憂乃爲善地也 其一尊議運糧每千石或官或兵須用四人管運此中寓意

豐川續集

卷二十

六

原自深也但用官則二從四騎爲至少來往非六七十兩不足用卽用兵亦須一人一馬往還亦非二十餘兩不能足此費出自公也則須破國帑萬二三千兩若費之本官本兵則微員旣覺太苦窮兵更爲難勝况逐縣旣有管收監送之員役或可省此一項人員但得二官蚤至甘涼候掣倉收此外似盡宜省減也倘如周慮深防必以多人爲貴則新來効用之員借此作一次勞績或可窮兵丁須給足路費乃爲善於體恤也又各縣舊皆設有塘兵令其聚屯沿途臺站要亦自當他可無虞耳 其一脚力僱就一邑若只一臺則分爲兩班兩臺

須分四班使得間日輪流連送一則防長站之不能一日往還二則防人畜之逐日往還恐其力不能勝三則防人畜之容有病斃也至每到一站卽責其取具交收憑烙歸而投官卽並本縣押運之夫正可不用也其一給散腳價零發卽慮分折莫出換錢亦恐州縣力所難辦蓋十萬糧就由一路言一縣路程就以百里計則一邑計分腳價二萬兩卽南北兩路分運亦須路百里分價萬兩今無論二萬兩之錢非西北州縣所能得卽一萬兩亦且必屬不能徒使有司受賠累之苦冒尅扣之冤脚夫衆勒抑之念生怨讟之心一切市行物價亦

豐川續集

卷二十

七

皆騰踴不定而由省至甘涼二千五百里經由之邑皆成錢荒之域矣若由前法僱覓包脚腳價相勢作數次整頓給發聽其自行通融辦理卽諸弊當盡革矣其一一路安設臺站去處既屬官錢聚用之所生意叢集之處則一切偷竊証賺之姦必且潛滋暗生其間或宜切諭一路有司於盜竊賭博公差勒索三弊嚴查勤稽無令官運未結而腳價先空忍凍終月而運本不存致公私有交困之虞也外如今此所運之米或念大雪中官吏人畜之苦寒而待至春暖或如探明西邊米價已賤則較量於東運西羅價值之盈縮爲國家計經費

之省費在鄙人既無的確見聞知當事應有恰好籌畫不敢冒昧而言何敢造次以請惟是聞此運有執事監運西行之說傳聞紛紛是以竊附愚見仰効芻蕘焉不宣

又

比者議送東米於甘涼僱脚轉運之議倡自明公輿情靡不共仰通識乃日者忽承西安十七州縣及漢中幫助隴州夫驢之檄此蓋因隴人聲明關山陡險而站長運夫偏苦故特加憫恤而議以衆力濟之耳真大人君子之仁心仁術也但軫恤隴人偏苦儘有活法而派幫

豐川續集

卷二十

八

夫驢於百千里間之十七州縣並及漢中則派幫諸屬不免又增一番耗勞耳何言乎軫恤隴人之活法也隴人之聲明偏苦者在關山冬雪險滑及咸宜關至長寧驛七十里站長耳今若令糧運盡由北路卽隴人之偏苦可免且可爲國家省南路至涼州視北路多一百四十里之虛費亦公私兩便之道也何言乎派幫夫驢於十七州縣及漢中爲增一番耗勞也自用西兵以來西安首膺供億兼之頻年歉薄逮至去秋今夏頓益之以酷早以是流亡遍野惜不可言獨賴今秋穀豆之收未流之戶乃幸獲糊口之資然三秋不敵一夏而私則却

久純賴以爲食老少易粟以授衣兼之應門戶還繫債之諸項耗之公則納倉糧應採買完稅銀之諸項耗之故自秋收以後公差債主紛沓里閭殘黎幾無生人之樂靡不感額怨咨以爲反不如荒中之家雖飢餓而尚無公差債主之峻迫也矧不久開春而新征舊欠民米軍糧與夫一切省輪縣納公採私幫將且交投並至而未間一月則且因勞辦幫隴驢夫一案今日買驢於前明日驗驢於官今日議夫於鄉明日驗夫於縣舉一邑公私士庶無一處一人不消耗此一秋之穀隴民尚安靜未動而十七邑已紛紛不堪耗勞矣且此一幫也姑

豐川續集

卷二十

九

就鄆邑結此一案而論驢三百頭非二千餘兩不可得夫一百五十名非七八百兩不可得而一切雜冗不費之費尚在其外則是未移足而二三千兩已耗於此三百驢矣又將來往來路途之虛費續幫逐日人畜之食用耗費且不可以意量再若人有病疾驢有倒斃其患苦賄累可勝言乎故總計此番幫隴之費除人夫官吏之勞擾外非三四千兩不能結此局而十六邑及漢中之耗費皆可類推矣且國家立法期於繼之可行而當室作事無取例之遂成今因糧過隴山隴人聲名偏苦而幫及西安以至漢中有如他日漢中或仰糧於東府

八百里連雲棧道亦將求助於不運之府將何辭乎況此米日前來自湖廣與河南兩省自湖廣者須經南山千二三百里之山險自河南者必經張茅峽石及三門砥柱之山水豈特隴山二三十里之陡險乎而皆取濟於權宜初未嘗徵幫於隔郡今若令西安漢中協幫於隴州過山之偏苦又將何辭以謝河南湖廣歟故在今運糧一事假使舍南路更無他道則亦第宜議增此七十里之腳價或令鄰邑鄰郡公幫過山之口糧亦不宜徵及夫驢以增耗擾况今既有北路之可由又北路且少一百四十里路程省一百四十里腳價即何不十萬

豐川續集

卷二十

十

石盡出北路之省此耗擾也至邠乾長永荒後人誠少畜誠乏矣然路可通車兼馬騾人夫皆可通融運非徒勞繼使本邑人畜不足竊恐鄰邑驅車逐馬而赴利者且不可勝用正無俟重議外幫也總之今日荒後殘黎元氣虛耗之甚非悉心曲加培養卽恐復元無日而培養之法全在上憲之體恤艱難不輕耗費耳書生局外之見自知無當於事宜獨以仰體明公平日集思廣益之宏規故冒昧言之惟裁察是荷

附運糧末議

運糧之方莫過逐縣接運一法之事舉而民力尚省故

初之憲諭至縣時閱者讀至朝出暮歸之處無不共嘆憲臺之明見萬里乃今忽變而爲長運令直自西安運至甘涼等處以爲西邊藩司曾有移咨言西邊人苦累非東省長運無以寬西人之力又恐所過州縣愈遠而糧集愈多非西人之力所能勝必若令之盡轉東糧是爲偏苦是誠西藩臺自愛西民美意獨未思西安若長運三千里外卽驢不可用必須盡用騾子自用兵以來陝西驢壯騾馬十抽其八用之軍前矣若欲用以長解僱驢非八九兩不可覓夫非五六兩不可而兵行之路草料飲食貴不可言一人一日盤費非六分不足一騾

豐川續集

卷二十

士

一日草料非一錢外至二錢不足而騾夫之襪被乾糧與夫防帶不時之需之物又在其外矣且來往在兩月之外合本戶及僱覓夫騾之費計非十二三兩不足而中間風雨阻撓之外費經收需索之外費尚不在其數且於西邊如此荒涼寥落之路而一旦忽增數萬人畜之往來將食店之莫給草料之難覓抑又可慮也則是此一駄一京石米豆除解夫千辛萬苦之外必須銀十二三兩始足且以鄯縣僅糧一萬二千之小縣而解至米豆三千是將舉一年兵餉一次頓盡而牲口之倒傷人夫之疾病又在其外耳自西邊用兵以後西府近兵

之地固多偏苦然一切騾馬車夫等項何事不借辦於西安東民出財之苦豈減西人出力之苦乎況近五六年以來秋禾三熯去夏又二麥不登獨賴去年秋穀頗收而

皇上特恩蠲租生民始得延殘喘若此番運解傾竭其力民將何堪且農忙在卽每縣抽近萬力農丁壯而令之遠出合西安諸州縣且將十餘萬農夫不得身預農事卽於農事當大有妨碍況途中當風雨阻隔而歇宿無處飢疲勞頓而飲食莫覓之時其喧囂愁慘之情形又不可以言盡亦恐非計之得也爲今之計運糧必不

豐川續集

卷二十

士

得已似宜從長議處令西鳳兩府境內皆行接運之法運至鄰府境界却自此地總計至收貯之地中間州縣之程共有若干每一程皆令抽本地壯夫或出驢騾車牛計足四千之數其三千各領每程合得官給口糧就中一千則合計西安府應行運解州縣於其每日應得官價外每夫一日外幫三分而此外幫工食仍於此四千人作四次輪流公受庶幾厚薄均平大約每程有夫畜四千計兩日一來往可運米豆二千石得二十餘日二萬石可以盡運過地方也更若欲於夏收後一次直運四萬則更加二十日更加欲於一運直運六萬則又

推此類更加之是亦可省大半勞費耳況西邊人卽苦累終是身在本鄉夫畜皆不出境卽事事可以通融而一日有一日官給之口糧亦不爲大虧且輪至得外幫之期抑又可於食用不盡之餘足以養家是又甚便卽在西安府屬所幫之出亦於所省遠運之費幫此運夫以酬其力亦情所願出其視長運當大爲省力而又無牲口倒斃人夫疾疫與夫數萬勞疲之夫當饑苦無聊之際喧擾生事之患亦且爲利十倍也總之方今西塞之兵未有止期他日軍需之辦不知底止而觀今民力之疲瘠已不可以言盡今非於此等不得不用之中極

豐川續集

卷二十

十三

力爲之酌劑存恤而令力竭於此運倘將來逢意外之水旱饑饉而軍需或更急更大於此將何以用之乎爲今之計如運期可緩至麥後則且稍寬其期倘如必不可緩則或宜乘二麥未獲之前依前法先運一次以備急用餘俟麥後再運令其事舉而民不太苦太勞庶幾見大父母撫恤之仁大君子經猷之智耳

荅甘撫胡公求言書

承責撫甘報稱之宜我公高識通才弘學遠慮意所譬畫自然遊刃裕如區區迂生豈達時宜顧惟酬德報知本難已於芻蕘之獻矧承明命又能自己耶惟恕其不

及而原諒焉幸甚幸甚竊惟此日之撫甘較易於前日以今之兵端已弭得以一意輯綏也然敬竊謂今日之撫甘正自較難於平時以前此吏治民生之賴以補救者須自此一大補救而後此之恃以弊絕風清者須自此一大培植也他人撫甘於今日亦自易於爲力以但能履常蹈故而不爲其已甚卽可稱職無難如我公平日伊傳周召之存心

豐川續集

卷二十

十四

第一在必遂素願之自矢而無忝以時賢隨世功名之見卽尋常課吏安民防邊擇士中着着皆從第一義着眼而仍期於令之必行之必實然後副素心之殷期而光明俊偉之業斯期月而可三年有成耳顧其大綱亦只如前數事而細目則頗自多端非小啓之能盡也另具別紙以終請教本懷臨池不盡企祝

撫甘新蒞事宜

課吏安民防邊擇士皆撫甘之實事實分而此時則豈能於此收效於二三月間乎則如目下未起馬之日就平日所知西邊重派濫派與一切地方難挽積弊如現

役私額之類簡切直截刻條戒諭於起身之前先發各屬使久被困累之窮黎一旦聞憫恤軫憐之言如大旱之得雨卽身未經蘭州而仁聲流播已可滿西塞而傳遐邇已此亦兵誌所謂先聲後實先聲有奪人之意也然又必先擇知名義可委任者三五人先入其境訪屬吏貪廉仁暴之概民生利弊苦樂之象得其實際三四分或於八境各屬迎迓或於到任叅謁時顯著之循吏善政卽面加獎借特甚之貪殘弊竇卽面加教誡如此卽初至之日所指不過一二事獎誡不過一二人屬吏卽當畏之如明師凜之如神明而生民便於此享無窮

豐川續集

卷二十

主

之福是又記所謂不賞而勸不怒而威之一大機關而亦卽仁聲宏播之一大資助也然此等處却非徒驚虛聲之爲也名者實之賓其實是實之表較射而樹之的蓋將矢矢準此而發耳不然何以副

上心而慰民望乎卽屬吏且先存玩心矣其一蒞任之日首以輯綏民生爲第一事然如輯綏之道亦正不在頻捐賑賑卽小民於大荒外亦不敢望此於大中丞也但使徵收以時不至先時而酷斂無藝之征有戒不至濫派於無名卽羣黎蒙福戴澤耳惟西邊自用兵以來兼經積年之荒長吏游移代署叅雜無名之派民苦

難言今惟是詢明積弊革其太甚刊定格式多頒郡邑使屬吏姦胥不敢於格式外重擾生民便荷再造之澤而頌聲徹窮簷耳則如大糧正耗之外加如現設浮額之差徭是非嚴加禁戒重申於下車之日一二月間訪明玩法之一二人罰在必行竊恐文詰無益生民之祗席無日也其一西府天高地遠訟獄之濫久爲人神之共憤而至於近來吏弊成風一切訟事又惟貧富爲遲速是非此尤非盛世之宜有而西民苦於無告者也惟明公留意於此嚴戒於條諭而痛懲於八門是乃救西民於水火之一大仁政耳所以然者生民望上之澤

豐川續集

卷二十

主

本無窮極要之一免無藝之征一免無賄之冤便感大父母生成怙恃之宏澤於無極而亦卽大中丞誠求保赤之仁政莫切莫先於此者也矧仁心仁聞實於此乎其一欲生民之頌聲丕滿莫要於令其生之得安而欲其生之得安莫要於使吏之皆得其人然得人可易言哉今惟是裁定簡易格式頒下屬吏能奉行者便爲循職不能奉行者便爲曠廢奉行而有聲稱者便爲循良奉行而無聲稱者便屬中材蓋關中之民甚蠢而愚亦甚智而怨但得吏治有一善之可稱亦自感頌而不忘故課吏以能奉上令不能奉上令分功罪而功罪以有

聲稱無聲稱爲定準卽在上之賞罰無有不當下吏之
功罪不可虛飾而父母之稱神明之譽俱在此耳 其
一課吏莫先於責廉然欲責其廉而不計其養廉何資
豈能得屬吏之廉徒使下吏怨主者之不恕益生其欺
蔽苟且之私而害歸生民耳今如所屬文職自藩臬以
至典史倉巡所轄武職自副將以下以至千把須總一
官每歲所入無碍之數凡幾年所出簡約之費凡幾
量入量出足以自給外此者雖舊例相沿亦必嚴革痛
禁蓋不恤其私而徒責之廉過在於上之不恕若上恕
矣而法不嚴終於欺蔽相沿無以成令行禁止之風而

豐川續集

卷二十一

七

欲民生之遂寧有冀乎故聽其取正耗以養廉而外此
正耗與無名之濫派詞訟之賄賂非初之嚴加戒諭到
中間痛懲一二人不可也況中丞一身而數千里之吏
治攸屬最忌在不肯斂怨由是國計民生隱受其弊於
無窮此昔人所謂一家哭何如一路哭也且貪酷無懲
不惟民受其害卽吏之隱受其誤者且多故子產之嚴
猛吾夫子獨稱其爲惠人也惟西邊吏治相沿之日久
矣非大中丞春生濟之以秋肅竊恐西省終未能成上
恬下熙時雍風動之休耳昔司馬水鏡曰識時務者謂
之俊傑惟子產之相鄭武侯之治蜀今其宜矣是不能

無望於我公大賢耳 其一博選明達端方之士以資
贊宣此又安民察吏之本根而功成建業之淵源也其
在書曰好問則裕在孟子曰好善優於天下誠以人卽
天聰天明必不能察於門外不見之處故以周公之聖
而吐哺握髮以下士以諸葛武侯之賢而孜孜乎集衆
思廣衆益如不及也況甘撫撫數千里之疆域總文武
軍民百萬之衆值兵荒新經之後與番夷在接壤之間
雖奇才傑士未易多得要是明於治理端緒察知人情
善惡與可供左右贊佐出使奏對之八九人恐不可少
蓋我公自達識圓滿無所不周然其如身不能到目不

豐川續集

卷二十一

六

能及之處實多何可少托以明目達聰宣德達情必需
之人也且如幕中少可信伏之人無論耳目心思不到
之處便貽軍國之缺卽事事畢周無遠不及無乃大勞
精神於瑣細乎亦失康濟吾身之宜矣然如當今應幕
之客與後進議論奔走之士僕見亦多矣要之應酬敏
捷語言便給尚不乏人至如達見達識通才實具足供
事業之用而有濟於盤錯則亦罕也惟明公欲建伊傅
周召之業自此以至西邊望時時以此留之意也蓋治
國家惟資真才實料爲第一要務而今天下亦惟真才
實料爲第一難事耳 其一正身率屬中丞屬員之表

率身之不正下將何式舊甘撫用度出於茶馬今不知茶馬舉廢何如又今西域建立城衛京華之使宦途知舊絡驛叨取路費兼賞兵亦自多於前此是惟到任之後通盤打算量出爲入僅足給用之外斬然不以輕取至於尋常吏規下僚獻送卽飲食茹菓之類恐亦不宜開輕受之端如此則清可法下僚不禁而自師其清其亦保全下僚之節操而卽爲實體

九重諄諄教廉之訓也 其一統率官民以信爲本信者非特口無二三並使行無游移是惟審定可行之條一令之下期於必行必久下吏之奉行期於必實必長

豐川續集

卷二十

十九

而其爲實爲不實亦期於無一不知知之而爲賞爲罰仍不一假借然後信如四時而下吏之玩法自恣者鮮矣下吏不玩法自恣而生民有不得所地方事有不振舉哉 其一於屬吏務寬嚴並濟教戒兼施寬而教者有父之親嚴而戒者有師之尊然要之法立於嚴而情通於恕卽尊卑上下而父兄師友之誼兼之矣但以今末俗積玩體統凌替非嚴卽寬不能成非尊卽親不能遂故待一切屬吏以秋霜濟春生爲合時宜善成就也其一中丞兼理軍務矧撫標亦自有專屬之將士權之可及而能加意優恤卽權之所不及者自將聞風而感

惠所謂老一老而天下之爲老者悅幼一幼而天下之爲幼者悅也又如於權之能及簡拔壯士勤訓方畧恩明而誼美卽各提鎮皆將奉以爲師而漢滿統領亦將競勸於訓練是中丞一舉而強西邊之兵也其以隱成拆衝禦侮之績可勝言哉 其一邊上兵荒新脫自此當豐收連歲然天道十年之內必一再水旱况兵屯邊鎮糧糴之所關尤重是惟嚴整積貯無令如前此之有名無實爲貴也又如近邊之地遇豐年時米粟最賤乘其賤價開倉招買以備凶年之儲卽於國計民力俱有倍徙之益但在主者精神畢照粒粒皆實是爲要義耳

豐川續集

卷二十

二十

其一番夷旣平將來茶馬交易與一切內貨之出外貨之入講明利害損益設立關防不特可益國家之利亦並可制番夷之命 其一馬政宜舉不惟可實中國之馬並可收馬政之長利亦且方今邊境無事兵閒易逸教之擇地設監輪流養馬旣使兵將習勞並令養馬之將領士卒亦食其利以壯兵中之氣亦兼利之道也 其一近邊大鎮經營屯田蓋一則空糧旣裁將領窘縮準職給田可養家兵卽此寓優贍將領之意二則兵閒無事則必賭博浪費漸就驕逸將來難用一教之屯則不惟勞逸適均且屯兵亦有利在是亦贍兵之一術三

則兵既屯田則邊粟可賤永爲國家之利四則兵旣不用老弱必汰此輩無歸竊盜易生一屯田而老稚皆可用且得贍給是亦收養老稚永清竊盜之一法然非措置得方一大擘畫使將領屯兵皆所樂爲則一徒爲紛更多一擾事耳至若邊方水利亦屬大事相其地宜特加開創亦足國利民之一大端也 其一惠無告以宏仁風鰥寡孤獨窮民之無告天地間之最可憐憫者也故西伯發政施仁必先於斯今之大臣不畱心民事者旣與民瘼漫不相關卽畱心民事者亦止著意考成顯著之條目其實與古大臣饑溺由已惠及窮黎之意

豐川續集

卷二十

二十一

不相關涉明公大仁君子須諄申屬員使加意軫恤無使應得之口糧扣於姦胥而重罹困斃然又須推廣仁術題請增額無令照臨之下有向隅之泣乃爲貴也蓋今之弊習首在姦胥尅扣正額尤在藉名者非皆例應之人而真正窮獨反以居遠無援在遺棄之列故又必每府每縣增廣額數使此輩窮於天植者皆獲邀生於大父母宏仁之下則尤見仁心之溥暨爾逮額數旣增又如大中丞能歲捐三五十石米糧三五十斤疋花布於蘭州城內籍名在官之孤貧使每人歲有石糧疋布花之增獲則屬員觀感自將人人畱意此不過省二三

套衣服二三席晏會之費而蘭州一屬鰥寡孤獨之民俱托宏仁獲保安全且仁風隱及全屬矣顧此事在人間之必以爲迂濶不切不知此等處在大賢正見精神之圓滿普濟之宏仁且使上下遠邇聞之以爲大中丞軍國事劇且於此等人畱意則無人不在惠愛之中可知於此等事畱意則凡事皆在關切之中可知其有助於布德信令頌德傳仁者亦正不淺也 其一省邊各處征收糧草最與小民利害相關亦最與中丞聲名相關蓋糧草沉重之物窮百姓於二三百里外負戴而至其爲力最勞而情最苦到上納時往往爲收員畱難

豐川續集

卷二十

二十二

勒索以致有冤莫伸至於米豆未熟而故意征索新草已上而偏索陳草本色價賤而偏要折色凡此等類爲弊更繁苦民更甚故從前清明督撫每差的當人時時巡查或一時親至倉廠輯掌姦胥於以大得民心之感而頌美不置者尤以此爲第一美政也蓋窮鄉下戶平日無事入省至鎮惟輸納糧草時到倉廠故一被收員畱難勒索旣心怨收員之橫索無厭兼歸咎於督撫之禁戒不嚴若因大中丞之禁戒而免從前之畱難勒索則凡從輸納歸鄉者一人傳十十人傳百將羣頌大臣之明威宏仁而歡聲直遍深山窮谷耳 其一兵糧積

貯必兼麥米蓋關中每多夏收而秋旱若使兵糧兼散麥米卽秋旱不至窘於給兵小民亦不至困於米少而貴折且米貯三年之外則淡薄無味故滿漢官兵往往賤賣米粟買麥而食若一切兵糧與省縣衛所倉收不分麥米卽兵糧民力皆通便不窘而民亦不至賤賣貴買到手受損矣然此非創爲之例也昔三代助徹之餉史兵原兼夏秋之獲逮漢世廩兵亦且麥多而米寡蓋嘗考趙充國之奏曰八斛麥二斛米豈一馬力之所能勝是則漢代餉兵麥多於米之明證也又有明屯糧征額半麥半米則其餉軍亦應麥米之相兼亦明矣又不

豐川續集

卷二十

二十三

特前代也卽本朝康熙十三年吳逆初變而是年西安秋旱米草俱艱一時上下驚惶惟是撫軍有識米皆易之以麥穀草盡易之黃白山草而人情大定是則麥米兼用於國計民力無一不便之長策是亦不能無望於舊心國計之大臣也更能推此陳請通行於此省亦利國利民兼以利兵之一大題目耳 其一邊上屯戍之兵或宜漸思易以邊人之法西北邊苦寒兼道里殷遙自陝省而甘肅尚四五十站若自外省調來之兵更遠而遣之屯戍哈密布隆吉地方則去家六七千里矣不惟不耐風寒不合水土卽將來往回之間道路跋涉

行裝過往之費亦已不貲聖王之用人也順天理而協人情合事機而省財用今兵旣奏凱清查一切邊內屯戍之兵凡爲外省遣至者共有若干謀於制軍漸次易以新招土著之兵且一招西邊土著之兵而汰冗選壯將邊兵盡健卽寓其中矣 其一西寇旣平則兵間無事矣夫兵者聚羣勁悍落魄之人一間無事則賭博奢靡之事無所不至不三二年賞賜旣寡卽貧窘可立俟耳一貧窘而弱與驕不能免矣爲今長久之策選大將與各專方偏裨之將旣已要緊而如輪流屯田與輪流養馬務教之習勞獲利而仍嚴禁其賭博奢靡是所宜

豐川續集

卷二十

二十四

急至如採擇古名將忠君愛國出奇制勝之概足爲勸戒者作兵訓一二卷熱鬧者作歌詞雜劇令其於迎神賽會時戲樂必依此扮演又每一隊旣有選來署職頭目通曉文義之人又必有通書椽房一二人則詳等簡易樂從之法令之限日親就講明於頭目之前有心者又時就椽吏而聽其宣說卽尋常蕩逸陶適之會皆教之忠君愛國之場與練兵制勝之算其以隱消賭博奢靡與勁悍無賴之患者爲益當不少也且以方今四海昇平兵皆無事削兵旣屬不可聽其驕逸而不爲之所恐成貧弱難訓之風善爲之處而題請頒式於四海或

亦大臣謀國之一事也 其一邊鎮及居近大口之城池關隘今雖番寇大清要之有備無患且無事之日修復築建自可順時使不勞費而就則如一切宜修宜添之處乘暇正不防指揮令就蓋以今番夷既平於邊外更如能令邊以內吏清將勇兵強民安水旱災荒之無憂儲蓄邊防之畢整卽甘肅四府三邊晏然成清平樂之鄉可以仰報君恩而型四海矣

再答甘撫未既事宜

其一如欲設立書院助揚國家道德齊禮之隆化培養

豐川續集

卷二十

二十五

全體大用之實才是必大學之教制舉之業兼陶並育而於其中特寓抑揚令尊德尚實之規特重於校文尚藝之法乃可耳至如大學之師雖不易得而經文具在亦自可按文而究旨中丞雖無用賢官能之權而力自可能使多士從風而趨全視一點真精神鼓舞耳昔蜀不知學得文翁化之而立變閬不知學得常觀察化之而立變潮不知學得韓昌黎化之而立變天下事得乘權據位之人真以精誠振作卽未有不動者矧如大中丞尊權高位而動之以至誠又不離四子五經之本業鼓之以真知實踐之正涂而如世情所尚之顯榮聲稱

又無一不備其中人性本善一觸自動安在無從風丕變之顯效出於蜀閬潮三方之表哉其法則設立書院於省城延禮名儒作師以次開明教規首揭主見期於實明天德王道之正旨而不僅制舉科目之業其次徵取諸生則令地方官精審有志道德功業之士不拘文武不分滿漢亦不限以科目儒生又其次教規之詳文士則四書五經性理通鑑小學七書 本朝會典爲正課外如宣公奏議名臣奏議之類亦必令之兼閱並習而要歸則總期依大學條目爲格式一切學問俱會極於此作明理成務底本焉武士則必先明四書通鑑次

豐川續集

卷二十

二十六

及七書將傳武備志紀効新書之類而如章奏之式練兵教技之法亦必兼習於肄業之日隨隊操練之時蓋文不通於大學明德新民之大義縱成一器終屬小材不兼通武事縱使德品可取而當國家事亦無以應變而濟時武不明於聖賢立身存心之正道終成行伍粗材不習於章奏文義則終屬國莽滅裂不習於教練技勇又恐徒成趙括之口上空談故所以教之成材者必期於實而有本又必期於適變而兼通也至中間文武之有志科目者自聽其兼習而亦各設一名士爲師以督其課但書院之所重不在此故平日之講授與其課

業不首重乎此也然使無向上顯榮之實效士之輕科目而趨正學者有幾乎由是歲月之間當即有出衆之品格見於舉動議論之間大中丞卽特加禮接二年之後能成材具文士如係科目也卽準孝廉方正之舉超格保奏儒士亦然而不復以科目之有無定資格不願出任者加之旌禮聽其守志此日作書院之先覺他年作各府書院之師長武士則隨其材具之大小超格題授偏裨之用亦不限於科與末科如此則士風自當變耳且卽不然但使大中丞禮際崇隆便足鼓卓才偉士之志而令之羣向而趨也總之不得出格之教化不足

豐川續集

卷二十

二十七

成就卓才不得出格之鼓舞不足培植偉士不得非常之大人不能成非常之大業此一事也立天地心作生民命繼絕學開太平大臣功業中第一大事亦且是秦漢以來名臣良佐未及之經猷必有三代以上大臣之真精神措置經營乃能奏厥膚功也更若得此一番振作能於文武中培出卓偉之倫中國家經文緯武之用卽三五人可勝千百常選卽不然而使聖賢道德仁義之化宇宙忠君愛國禮義廉恥之風一大昌明於大中丞特造之日卽以培將來人材風俗之根柢而隱惠宏功涵育無窮矣事有言之流俗若迂語於時宜似緩而

其實爲大臣報國樹勳第一義者此類是也是非我公大賢孰敢望之哉 其一如欲培植將來將領卓材是必一大搜羅令各州縣悉心選壯健膽畧之士不分科目行伍文士廕襲精審其氣概精神細詢其志向嗜好真有志功名事業之願者以禮送入書院師與大中丞次第審察人卽難知要之立談之下間散議論之間二次三五七日亦自可以得其大畧其中資高器大者則畱之書院教習次者卽隸之撫標戎旗之下授之署劄又其次則散置各標署之頭目之列隨隊操演而如練兵教技之暇則一卷教條數卷七書一部通鑑節要紀

豐川續集

卷二十

二十八

効新書要緊處亦必令其通達大畧蓋旣在署劄頭目之列則養馬造飯亦自有人立定限日之課一半年間亦自可通之無難也且選來署劄頭目旣肄習數書則本管與標下兵丁亦漸可與聞大畧卽不特將來智謀健練之才當多卽忠君愛國之士亦將蒸蒸日衆也速歷以歲月者其人如真可用卽須超格題授以鼓戎行向上之氣如此卽將來培植之中當出真確可用之器而如前之提鎮任千百里邊關禦侮之鉅責而以行伍粗材庸之者其利害損益不亦倍蓰乎然隸撫標各營之士中丞豈暇自教本營又恐未必能教是必有通